



ՀԱՅԱՍՏԱՆԻ ՔՐԻՍՏՈՆԵԱԿԱՆ ԴԱՍՏԻԱՐԱԿՈՒԹՅԱՆ
ՕՐՎԱՆ ՆՎԻՐՎԱԾ ՀԱՆԴԻՍՈՒԹՅՈՒՆ ՄԱՅՐ ԱԹՈՌ
Ս. ԷԶՄԻԱԾՆՈՒՄ

«ՏՕՆ ՍՐԲՈՅ ԱՌԱՔԵԼՈՅՆ ԵՒ ԱՌԱՋԻՆ ԼՈՒՍԱԽՈՐԶԱՅՆ ՄԵՐՈՅ
ԹԱԴԷՈՍԻ ԵՒ ԲԱՐԴՈՒՂԻՄԷՈՍԻ»

«Հունձք բազում եմ, եւ մշակք սակաւ.
Արդ աղաչեցէք զՏէր հնձոց, զի հանցէ
մշակս ի հունձս իւր»:
(ՄԱՏԹ. Թ 37—38)

Երախտագիտության, խոնարհության և անմարելի սիրո զգացումն էր
դեկտեմբերի 2-ի շաբաթ օրը հավատացյալ ժողովրդին ի մի բերել Հայաս-
տան աշխարհի բոլոր եկեղեցիներում, զի տոն էր ողջ հայության համար,
տոն՝ Սրբոց Առաքելոցն և առաջին լուսավորչացն մերոց Թադեոսի և Բար-
դուղի ջեռուսի:

Հետևելով, համբառնալուց առաջ տասներկուսին ուղղած, մեր Տիրոջ
պատգամին, թե «**Գնացեք ... և բոլոր մարդկանց քարոզեցեք Ավետարանը**»
(ՄԱՐԿ. ԺԶ 16), Ս. Թադեոսն ու Ս. Բարդուղիմեոսն իրենց հավատքի ու
սիրո սերմերը ցանեցին հայոց հողում՝ դառնալով Հայաստանյայց Եկեղեցու
հավերժահաստատ սյուներն ու հայ ժողովրդի հավիտենական կյանքի ռա-
վիրանները:

Լեփ-լեցուն էր Էջմիածնի Մայրավանքը: Օրվա պատարագիչն էր Հոգե-
շնորհ Տ. Բագրատ արեղա Գալստյանը: Սուրբ և անմահ պատարագին ներ-
կա էին մասն քրիստոնեական կրոնի ուսուցիչների պատրաստման լսարան-
ների ունկնդիրներ և կիրակնօրյա դպրոցների ուսուցիչ-ուսուցչուհիներ:

Հավարտ պատարագի, Մայր Աթոռ Սուրբ Էջմիածնի Վեհաբանի հան-
դիսությունների դահլիճում, Ամենայն Հայոց Կաթողիկոս Ն. Ս. Օ. Տ. Տ.
Գարեգին Առաջինի մախազահությամբ, տեղի ունեցավ համաժողով-հան-
դիսություն՝ նվիրված քրիստոնեական դաստիարակության և կրթության օր-
վան:

Հանդիսությանը ներկա էին Գերաշնորհ Սրբազան Հայրեր, Հոգեշնորհ
Հայր Սուրբեր, Բարեշնորհ սարկավագներ, ՀՀ կրթության և գիտության մա-
խարարի պաշտոնակատար Վ. Գևունին, ՀՀ կրոնի գործերի պետական խոր-

նրրդի մախազանի պաշտոնակատար Է. Սուջյանը, ՀՀ Ազգային ժողովի գիտության, մշակույթի և երիտասարդության մշտական համահամոզողի մախազան Ռ. Պապարյանը:

Մեմբարին մասնակցում էին Երեսանի, Էջմիածնի, Գյումրիի, Արթիկի, Ապարանի, Արմավիրի, Գորիսի, Մասիսի, Արտաշատի ավելի քան 500 մասնակալարժմեր, ովքեր ոչ միայն ուսուցանում են մեր մախնյաց սրբալույս ու սուսքելարույր հավատը, այլև ուսանում՝ ավելին իմանալու և այն փոխանցելու մկիրական գիտակցումով:

Օրվա համոդիսությունն սկսվում է **«Տերունական աղոթք»**-ով:

Բացման խոսք է ասում Քրիստոնեական դաստիարակության և քարոզչության կենտրոնի տնօրեն Հոգեջնորն Տ. Վազգեն արեղա Միրզախանյանը: Հայր Սուրբ մախ մեկ անգամ ևս հիշեցնում է, որ այսուհետ Հայաստանյալց Առաքելական Սուրբ Եկեղեցու երկու երախտավոր լուսավորիչների տունակատարության օրը, համաձայն Նորին Սուրբ Օծուդյան հրահանգի, հիշվելու է որպես քրիստոնեական դաստիարակության և կրթության օր, ապա համատու տեղեկատվության ծանոթացնում դեպի Քրիստոսահաստատ հավատի անդաստան տանող ուղին բռնած սերմնացանների մոտալուտ խընդիրներին ու անելիքներին:

«Ուրախ լեր Սուրբ Եկեղեցի» շարականի երգեցողությունից հետո, ողջույնի ու քաջալերանքի խոսքեր է ուղղում մերկաներին Գուգարաց թեմի առանջորդ Գերաջնորն Տ. Արսեն արքեպիսկոպոս Բերքերյանը: **«Դժվարին, սակայն ջնորհաշատ է կրոն դասավանդող ուսուցչի ընտրած ուղին,—մշում է Սրբազանը:— Այն առավել է պայծառակերպվում, երբ ուսուցչի հետևից դեպի անմխտելի ճշմարտություն տանող շավղով են ընթանում մահ սաները»:**

«Որք զարդարեցին» շարականի հոգեպարար հնչյուններն են իշխում դահլիճում: Այնուհետև ոչ միայն օրվա խորհուրդը կարևորող, այլև սրտի խոսքեր է հղում համաժողովի մասնակիցներին Օիրակի թեմի առաջնորդ Գերաջնորն Տ. Գրիգորիս արքեպիսկոպոս Բունիաթյանը:

Հանդիսությունը շարունակվում է **«Ի լանսահման ծովէն»** շարականի երգեցողությամբ:

Ամենքը սիրով ու սրտի թրթիռով են լսում Արարատյան Հայրապետական թեմի առաջնորդական փոխանորդ Գերաջնորն Տ. Գարեգին արքեպիսկոպոս Ներսիսյանի ողջերթի խոսքերը, որոնք ոչ միայն հորդոր են, քարի ցանկություն կամ միմյանց նկատմամբ սեր ու գորով տածելու խորհուրդ, այլ ավելին, մախ մաքրվելու, ապա մաքրելու, կրթվելու, ապա կրթելու, հավատի լույսով ալրվելու, սամրան չմոխրամալով ջերմացնելու և լուսավորելու մկիրական պատգամ:

«Աշակերտք Քրիստոսի» շարականի երգեցողությունից հետո, Հոգեջնորն Տ. Գրիգոր փարդապետ Զիֆթյանը հակիրճ, սակայն դյուրըմբռնելիորեն մերկալացնում է մեր երկու լուսավորիչ առաքալների՝ Թադեոսի և Բաղուդիմեոսի վարքը, ծանոթացնում մրանց աստվածաման գործունեությամբ Հայաստան աշխարհում:

Հնչում է **«Էջ Միածինն ի Հօրէ»** շարականը:

Այնուհետև իր պատգամ-դասախոսությամբ հանդես է գալիս Վեհափաղ Հայրապետը:

ջել այդ մանկան: Սա ի՞նչ մարդկային ուժ է, սա ի՞նչ հավատքի պոռ-
կում է:

Առաջին արյունը, որ թափվեց Հայոց աշխարհին մեջ քրիստոնեության
ստեղծմանը որպես սերմ, ցանք, դա եղավ հայ կնոջ արյունը՝ Սանդուխ-
տին: Ես տեսել եմ ժայռից մի քանի հարյուր մետր անդին, բլրին վրա Սան-
դուխտ կույսին գերեզմանը: Միշտ համապատասխանում էր նկարագրույթյա-
նը: Իսկ երբ Թադեոս առաքյալն է սրով նահատակվում, ժայռը բացվում է և
ներս առնում առաքյալի մարմինը: Այդ սրբավայրը ինձ համար այնևս իմ
կյանքին մեջ միախառնվեց, և չէի կարող հեռանալ այդ նվիրական վայրից,
նա իմ մեջ էր:

Բարեկամներ, ինչու այսօր մի քիչ թերևս հուզական, մի քիչ անձնական
ձևով սկսեցի իմ դասախոսությունն: Նախ չէի կարող ես իմ հանդեսը անհա-
վատարիմ լինել, ջանացի հավատարիմ լինել ինձ, իմ ապրումին: Թադեոս
և Բարթողիմեոս առաքյալներու տոներ ինձ համար եղել է միշտ նվիրակա-
նագույն տոներից մեկը, մանավանդ այդ փորձառությունիցս հետո: Եվ այ-
սօր որքան հուզված երջանկություն եմ ապրում՝ տեսնելով ձեզ բոլորիդ
այստեղ հավաքված: Հինգ բառեր եմ փնտրել՝ ձեզ ողջունելու համար, առա-
ջին՝ շնորհավորություն և շնորհակալություն, երկրորդ՝ գնահատանք և ար-
ժանորում, երրորդ՝ մի զարմանաք, չորրորդ՝ ուրախություն, հինգերորդ՝ հույս
և խրախույս:

Կշնորհավորեմ ձեզ, որ գիտցաք այսօրը արժեցնել: Շնորհակալություն
կհայտնեմ ձեզի, որ դուք ձեր կատարած գործի արժեքորման փաստը տվիք
այսօր՝ այսպիսի միօրյա հավաքույթին գալով: Չէի հավատում, որ այսօր
մոտ հինգ հարյուր հոգի կհավաքվեք: Երեկ երեկո վարդապետի հետ այս
սրանը բարձրացա և ուզեցի աթոռների մի մասը դուրս հանել, որ դատարկ
աթոռ չլինի իմ աչքի առաջ: Այսօր, սակայն, ուրիշ տեսարան է պարզվում
և ես երջանկորեն խաբվել եմ: Իմ ակնկալությունն այսօր անավասիկ ճշ-
մարտիկ է այն իմաստով, որ հավատքը տվելի գորավոր է, բան իմ մտա-
ծումը կամ սպասումը և անհուն ուրախությունն, մանավանդ վերջին բառս,
այսպիսի հավաքույթ, այսպիսի կամավոր բնդառաջում առաքելության գոր-
ծին, հույս է ինձ համար, թող խրախույս լինի ձեզ բոլորին: Այդ հույսով է,
որ ես ողջունում եմ ձեզ և սկսում իմ դասախոսությունը:

Քրիստոնեական մեր ամբողջ Եկեղեցին, Տիեզերական Եկեղեցին՝ Նի-
կիական Հավատո հանգանակին մեջ մենք բոլոր քրիստոնեյաներս, աշխարհի
եկեղեցին դավանում ենք և նկարագրում որպես Առաքելական Եկեղեցի:
«Հաստատա՞ք ես մի միայն բնդհանրական ես յառաքելական Սուրբ Եկեղե-
ցին»: Առաքելական ի՞նչ կնշանակի: Եթե երբեք մենք Հիսուսի առաքյալների
մասին ենք մտածում, դա ամբողջությամբ ճիշտ չէ, որովհետև Հիսուս Ինքը
ոչ միայն ընտրեց Իր աշակերտներին, նրանց դաստիարակեց և վերստին
առաքյալների, ոչ թե նա ունեցավ առաքյալներ Իր շուրջը, այլ Ինքը իսկ էր
առաքյալը: Ինքն էր առաջին տիպար առաքյալը, տիպարը բոլոր առաքելոց
և առաքելոց առաքելոց, այսինքն մեզի՝ բոլոր հավատացյալներին, որովհե-
տև ո՞վ կարող է լինել քրիստոնյա և չլինել առաքյալ: Քրիստոնյա լինել և
չլինել առաքյալ, կնշանակի քրիստոնյա չլինել: Եկեղեցին՝ Քրիստոսի մար-
մինը զՔրիստոս մարմնավորող աստվածահաստատ այն օջախը, տունը,
կառույցը ինքն է առաքելությունը: Եկեղեցին առաքելություն չունի, եկեղեցին
ինքն առաքելություն է: Ունենալը՝ պաշտոն ունենալ կնշանակե, բայց Եկե-
ղեցի ըսել՝ կնշանակե առաքելություն լինել: Այլապես ինչո՞ւ համար է եկե-

Պողոս Առաքյալն էլ ասում է, թե վասն Քրիստոսի պատգամավոր ենք, Աստված մեզմով կխոսի, մենք ամբաստանորեն են, պատգամավորներն ենք Քրիստոսի: Ինչպես մի դեսպան մի երկրում կլինի ներկայացուցիչը այդ երկրի պետին, այնպես էլ մենք Աստուծո, Քրիստոսի դեսպաններն ենք աշխարհում: Ու տեսեք դուք այն մյուս տողը, ուր Պողոս առաքյալ ինքը կնկարագրի իր սեփական առաքելությունը Գաղատացվոց թղթի առաջին գրված խում: Նա ասում է. «Հայտնում եմ ձեզ եղբայրներ, թե այն Ավետարանը, որ ես ձեզ ավետարանեցի, մարդկային ավետարան չէ, քանզի ես մարդուց չառա այն, որևէ մեկից չսովորեցի, այլ Հիսուս Քրիստոսի մի հայտնությունից: Արդարև, դուք լսած կլինեք, թե հրեության մեջ եղած ժամանակս երբեմնի իմ ընթացքի մասին, թե ինչպես էի հալածում Աստուծո Եկեղեցին, քանզի եմ Հիսուս և հրեության մեջ ավելի առաջ էի գնացել, քան իմ շատ հասակակիցները, որոնք իմ սերնդից էին: Շատ ավելի նախանձախնդիր էի իմ հայրենի ավանդություններին» (Գաղ. Ա 11—14):

Այսինքն՝ հալածում էր ինքը քրիստոնյաներին, որոնց մեջ տեսնում էր հրեական կրոնքի քանդարարներ: Դուք գիտեք այդ բոլորը, ասում է, որքան անկեղծորեն: Այնուհետև շարունակում է. «Բայց երբ կամեցավ Աստված հայտնել ինձանով իր Որդուն, որպեսզի ավետարանեմ նրան հեթանոսների մեջ, այն ժամանակ, իսկույն, ոչ մեկի խորհրդին չդիմեցի, ոչ էլ Երուսաղեմ բարձրացա նրանց մոտ, որ ինձնից առաջ առաքյալներ էին, այլ գնացի Արաբիա և վերադարձա Դամասկոս: Ապա երեք տարի հետո ելա Երուսաղեմ՝ տեսնելու Պետրոսին և 15 օր նրա մոտ մնացի: Առաքյալներից ոչ ոքի չտեսա, բացի Հակոբոսից՝ Տիրոջ եղբորից: Եվ ինչ որ գրում եմ ձեզ, ահավասիկ, Աստուծո առաջ եմ ասում, չեմ ստում, ապա եկա Ասորիք, գնացի Կիլիկիայի կողմերը, և ես անձնապես անձանոթ էի եկեղեցիների հավատացյալներին, որոնք լսած էին, թե՝ «նա, ով մեզ այն ժամանակ հալածում էր՝, այժմ քարոզում է այն հավատը, որ մի ժամանակ քանդում էր: Եվ ինձնով փառավորում էին Աստուծուն» (Գաղ. Ա 15—24):

Խորունկ միտք է: Սողոսը դարձել էր Պողոս: Մի կերպարանափոխություն էր անցել նրա անձի միջից: Հալածիչը դարձել էր տարածիչ: Այն, որ թշնամի էր, դարձել էր բարեկամ, նա, ով հակառակորդն էր, այժմ դարձել էր հավատավորը, նա, որ քանդարարն էր, այժմ դարձել էր ինքը առաքյալ:

Առաքյալ լինել կնշանակի անձդ զգալ նրա մեջ, ով քեզ առաքում է: Ինչ որ անում ես, նա է փառավորվում քո անձի միջից: Շատ ուրիշ տեղեր կարդիք է վկայակոչել առաքելական թղթերի և Ավետարանների մեջ: Ես ուզում եմ մի քանիսն ընտրել, որովհետև չեմ ուզում ընդհանուր խոսք ասել, դրվատական, ներբողալից արտահայտություններ ունենալ: Ուզում եմ, որ մենք ճշգրիտ հասկանանք Աստուծո միտքը առաքյալի մասին, այնպես, ինչպես որ դա նկարագրվում է, պարզվում է, պարզաբանվում է Սուրբ Գրքին մեջ:

Պողոս առաքյալն ինքն իր առաքելությունը ստացել էր Հիսուսից, երբ Դամասկոսի ճամփու վրա երևաց Փրկիչը տեսիլքի մեջ իրեն: Նրա հարությունը իր առաքելության ուժն է: Եվ ինքն ասում է, որ հարուցյալ Փրկչին, որին ես մարմնապես, ֆիզիկապես չեմ աշակերտել, բայց Նա ինձ հանդիպեց, հանդիպեց ինձ և տվեց այս առաքելությունը: Հետևաբար, առաքյալ լինելու համար անհրաժեշտ էր Հիսուսին անձամբ տեսած և աշակերտած լինել: Ինքն ասում է՝ ոչ: Եթե ֆիզիկական Նրա մարմնատեսիլ կերպարանքին դու չես հանդիպել, դա չի նշանակի, որ Նրան չես հանդիպել: Եթե Նա քեզ քո հոգու մեջ հանդիպել է, կնշանակի քեզ նշանակել է հավատքի:

Շատերն այսօր Պողոս առաքյալի օրինակը չարաշահում են: Եվ ես պիտի գամ դրան քիչ ետքը, երբ ասեմ, թե ո՞վ է ճշմարիտ և վավերական առաքյալը: Հիմա մեր հայացքը սկեռենք Ավետարաններից: Հիսուս Ինք Իրեն ներկայացնում է որպես առաքյալ, զոր «Աստուած առաքեաց»: Թերևս հիշում եք մի օր, երբ առաքյալներն ուզում էին Իրեն հարց տալ, ասեցին, որ անոթի ես, մի ամբողջ օր չես ճաշել: Թողեք, ասեց, այդ կերակուրը, «Իմ կերակուր այն է՝ զի արարից զկամս այնորիկ, որ առաքեացն զիս, և կատարեցից զգործն նորա» (Հովհ. Գ. 34): Իմ կերակուրս, իմ գոյությանս սնունդն այն է, իմ գոյությանս իմաստն այն է, որ ես կատարեմ կամքն անոր, որ զիս ուղարկեց: Եվ պիտի կատարեմ Նրա գործը՝ զգործն Նորա, ոչ իմ գործը: Եվ քանի անգամ և ավելի ուժեղ ձևով Հիսուս ասեց. «Ոչ կարեմ ես յանձնե առնել և ոչինչ, այլ որպես լսեմ՝ դատիմ և դատաստան իմ արդար է» (Հովհ. Ե 30): Ինչո՞ւ արդար է Իր դատաստանը. «Զի ոչ խնդրեմ զկամս իմ, այլ զկամս այնորիկ՝ որ առաքեացն զիս» (Հովհ. Ե 30): Ու տեսեք այս մյուս խոսքը. «Այս է գործն Աստուծոյ, զի հաւատաստիք զայն, զոր առաքեացն նա» (Հովհ. Զ 30): Հիսուս ասում է, թե երկնքից իջա ոչ թե իմ կամքս կատարելու համար, այլ նրա, ով ինձ ուղարկեց: Եվ ով ինձ ուղարկեց, ճշմարիտ է, և ես զոր լուայ ի նմանե՝ այն, ինչ որ ես նրանից լսեցի, այն է, որ ես խոսում եմ աշխարհին:

Մի օր հրեաները Հիսուսին մոտեցան և ասացին. «Դու մեր հայրերի հավատքին դավաճանում ես»: Եվ սկսեցին հալածել: Ասաց. «Իմ ո՞ր մեկ արած գործի համար ինձ հալածում եք»: «Մենք քեզ քո արած գործերի համար չենք հալածում,—ասացին,—մենք քեզ հալածում ենք քիչ այն խոսքերի համար, որոնք հայհոյություն են: Դու մարդ ես և քեզ Աստված ես ներկայացնում: Դրա համար ենք մենք քեզ հալածում: Դա հայհոյություն է: Դու չես կարող մարդ լինել և Աստված լինել»: Ինք դարձավ և նրանց ասաց. «Եթե ոչ գործեմ զգործս Հօր իմոյ, մի հաւատայք ինձ (եթե ես իմ Հոր գործերը չեմ կատարում, ինձ մի հավատաք), ապա թե գործեմ (և եթե ես գործում եմ նրա գործերը), (նոյնիսկ) թե ես ինձ ոչ հաւատայք, սակայն գործոցն հաւատացեք», որպեսզի գիտնաք և իմանաք, թե Հայրը իմ մեջ է, և ես Հոր մեջ եմ (Հովհ. Ժ 37—38): Այս էր Հիսուսի ուժը: Ուրեմն, առաքելության ուժը Աստուծո մեր մեջ լինելուն և մեր անձի միջից ժողովրդին պաշտպելու իրողության մեջ կկայանա:

Հիսուս, երբ Ղազարոսի գերեզմանի առջև կանգնել էր, աչքերը դեպի երկինք բարձրացրեց և ասեց. «Հայր, գոհանամ զքեզ, զի լուար զիս»՝ «գոհություն եմ տալիս քեզ, Աստված, որ ինձ լսեցիր, ես իմանում էի, որ ամեն ժամ ինձ լսում ես դու, բայց այս ասում եմ ժողովրդի համար, որ իմ շուրջը կան, որպեսզի նրանք էլ հավատան, թե դու ես, որ ինձ ես առաքել» (Հովհ. ԺԱ. 41—42): Եվ այն ատեն ասում է. «Ղազարոս, ե՛լ, արտաքս»: Եվ Աստված Ղազարոսին դուրս է բերում գերեզմանից:

Բարեկամներ, այնքան գեղեցիկ հատվածներ կան, որ ես էլ շվարել եմ, թե ո՞ր մեկը մեջ բերեմ ձեզ համար: Կցանկանալի հիշել հատկապես այն վերջին աղոթքը, Հովհաննու Ավետարանի 17-րդ գլուխը: Այդ գլուխը ամեն կարդացվելիք գլուխն է, այդ գլուխը Հիսուսի գերագույն աղոթքն է: Մի օր կարդացվելիք գլուխն է, այդ գլուխը Հիսուսի գերագույն կա նրա մեջ: Հիսուս որոշ հանգերգային ոճով գրված բանաստեղծություն կա նրա մեջ: Հիսուս ասում է. «Ով Հայր, ես Քո անունը հայտնեցի մարդկանց, որոնց Դու ինձ ասում է. «Ով Հայր, ես Քո անունը հայտնեցի մարդկանց, որոնց Դու ինձ տվեցիր այս աշխարհից, նրանք Քոն են էին և ինձ տվեցիր նրանց, և նրանք Քո խոսքը պահեցին: Հիմա իմացան, որ ամենը, ինչ ինձ տվիր, ես նրանց

տվեցի, ինչ որ Դու ինձ տվիր, ես նրանց տվեցի: Եվ նրանք ընդունեցին և ճշմարտությամբ ճանաչեցին, որ ես Քո մոտից ելա և նրանք հավատացին, որ Դու առաքեցեր զիս: Արդ, ես նրանց համար եմ աղաչում: Ես չեմ աղաչում աշխարհի համար, այլ նրանց համար, որոնց ինձ Դու տվեցիր, որովհետև նրանք Քոնն են: Ինչ որ իմն է, բոլորը Քոնն է, և ինչ որ Քոնն է, այն իմն է, և ես նրանց մեջ եմ փառավորված:

Ինչպես Դու ինձ ուղարկեցիր աշխարհ, ես էլ նրանց ուղարկեցի աշխարհ: Ես ինձ սրբացնում եմ նրանց համար, որպեսզի նրանք էլ սրբացվեն ճշմարտությամբ, ինչպես Դու, Հայր իմ, իմ մեջ և ես Քո մեջ, որպեսզի նրանք էլ մեր մեջ լինեն, որպեսզի աշխարհն էլ հավատա, թե Դու առաքեցիր զիս: Եվ դու առաքեցիր զիս հինգ անգամ կրկնված է հանգերգի պես, որ երբ ես Քո մեջ լինեմ, և Դու իմ մեջ լինես, երբ զգամ, որ իմ միջից Աստվածն է խոսում, այն ատեն պիտի հավատան, որ Դու ես ինձ առաքել»:

Այսպիսի ուժեղ պատկերացումներով ենք մենք տեսնում Քրիստոսի հայեցողությունը առաքելության մասին: Ինչ եզրակացության ենք հանգում այս բոլոր ընթերցվածներից: Առաջին եզրակացություն՝ առաքելությունը կապված է Աստծուն: Նրա բնականորեն հաստատված, Նրա կողմից հաստատված գլխավոր ներկայացուցիչը Եկեղեցին է: Բնականորեն ամեն մարդ կոչված է քրիստոնեությունը քարոզելու իր կյանքովը, իր խոսքովը և իր գործովը, բայց հեղինակությամբ խոսելու իշխանությունը առաքյալներին է տրված և նրանց միջոցով՝ Եկեղեցուն: Փաստը՝ ահավասիկ: Վերջին պահն է երկրի վրա հարուցյալ Փրկչի: Եվ տասնմեկ աշակերտները, որովհետև տասներկուերորդը՝ Հուդան, հեռացել էր, տասնմեկ աշակերտները գնացին Գալիլիա, այն տեղը, ուր Հիսուս նրանց հետ ժամադրվել էր: Երբ Նրան տեսան, երկրպագեցին Նրան, և ոմանք երկմտեցին, տատամսեցին, կասկածեցին: Հիսուս մոտենալով՝ խոսեց նրանց և ասաց. «Ինձ է տրված ամեն իշխանություն երկնքում և երկրի վրա, ինչպես Հայրը ինձ ուղարկեց, ես էլ ձեզ եմ ուղարկում: Գնացեք, ուրեմն, աշակերտ դարձրեք բոլոր ազգերին, նրանց մկրտեցեք հանուն Հոր և Որդվո և Հոգվույն Սրբո: Ուսուցանեցեք նրանց պահել այն բոլորը, ինչ որ պատվիրեցի ձեզ և ահա ես ձեզ հետ եմ բոլոր օրերում, մինչև աշխարհի վերջը» (Մատթ. ԻԸ 18—20):

Բարեկամներ, եթե մենք առնենք Հիսուսի ասածները մյուս Ավետարանների մեջ, այնտեղ կտեսնեք դուք, թե ինչպես Հիսուս իր առաքյալներին իշխանություն կտա, որ իրենք էլ իշխանությունը փոխանցեն իրենց հաջորդներին: Ոչ թե սոսկ պատվեր կտա, ոչ թե հանձնարարություն, ոչ թե թելադրություն, այլ իշխանություն՝ ինչ որ կապեք երկրի վրա, կապված լինի երկնքի մեջ, ինչ որ քակեք երկրի վրա, քակված լինի երկնքում:

Հիսուսի բազում վկայությունների միջից ես ընտրում եմ հետևյալ մեկ հատվածը գոնե, որպեսզի մենք այդ հատվածը կարդալով, հասկանանք, թե Հիսուս ինչ է ուզում ասել իր առաքյալներին՝ առաքելության սահմանումի տեսակետից: Իր մոտ կանչելով իր տասներկու աշակերտներին, նրանց իշխանություն տվեց, տեսեք, պատվեր տվեց չի ասում, իշխանություն, հեղինակություն տվեց պիղծ դևերի վրա, հանելու դրանք և բժշկելու ամեն ցավ և ամեն հիվանդություն: Տասներկու առաքյալների անուններն են և հետո տասներկուսին Հիսուս ուղարկեց և նրանց ասաց. «Հեթանոսների շրջաններով չգնաք և սամարացիների որևէ քաղաքը չմտնեք, այլ ավելի շուտ գնացեք Իսրայելի տան կորած ոչխարների համար: Երկրորդ՝ երբ գնաք, քարոզեցեք և ասացեք. «Երկնքի Արքայությունը մոտեցել է»: Երրորդ՝ հի-

Պողոս առաքյալը իր թղթերում հաճախ դատապարտում է ուրիշ առաքյալներին, չակերտների մեջ դրված առաքյալներին: Սուտ մարգարեներ են, սուտ առաքյալներ են: Ինչո՞ւ սուտ են: Որովհետև Եկեղեցուց չեն ստացած իրենց իշխանությունը: Այսպես, հիմա, օրինակի համար, ես կարող եմ ցույց տալ, իմ գրադարանից բացել մի գիրք և ասել ձեզ՝ «Ընթերցումս ի Թովմասու Առեւտարանէն»: Կըլլա՞: Թովմասու Առեւտարան կա, բայց ինչո՞ւ չենք կարող, որովհետև Եկեղեցին ասել է, որ չորս Առեւտարան կա և դրանից դուրս մյուսներն անվավեր են: Այսպես մենք կընկենք մի անիշխանական փնակի մեջ: Հիսուսի անունով շատերն էին խոսում, և Եկեղեցին՝ Քրիստոսի հաստատած մարմինը, նա էր, որ ասեց, թե այս է Հիսուսի խոսքը: Ամեն մեկս առաքյալ ենք, եթե ապրենք քրիստոնեությունը և ճառագայթենք: Բայց առաքյալը նա է, որ նշանակված է Քրիստոսի Առեւտարանն իբրև Եկեղեցի, սերմ տարածելու համար:

Բարեկամներ, Եկեղեցու պատմության մեջ քարոզությունը հառաջացավ, առաքյալները, աշակերտները, նրանց հետևողները, առաջին դարից սկսյալ, տարածվեցին աշխարհի չորս ծագերը, նախ Միջերկրական ծովի շուրջը և ապա դեպի Արևելք, դեպի Միջին Արևելք, դեպի Եվրոպա, հատկապես Հռոմի անկումից հետո, հինգերորդ դարին, երբ բարբարոս ցեղերը Արևմուտքում քրիստոնյա դարձան: Առաքյալների տարածումը գիտնականների կողմից հաճախ թվում է առասպելական: Ես տակավին նոր եմ կարդացել մի գրություն, աչապես կոչված՝ գիտական, որ ասում է, թե 12 առաքյալներին վերագրել որոշ աշխարհներ, օրինակի համար՝ Հնդկաստանը Թովմաս առաքյալի քարոզության դաշտը, Եգիպտոսը Մարկոս առաքյալի քարոզության դաշտը, Եթովպիան Փիլիպպոս առաքյալի քարոզության դաշտը, Հայաստանը Թադեոս և Բարդուղիմեոս առաքյալների քարոզության դաշտը, առասպել է: Ընդունենք ճիշտ չէ, առաքյալները մնացին Երուսաղեմ, և ես հարց եմ տալիս. բոլոր այս ազգերի գրականությունը կեղծիքի վրա՞ է հիմնվել: Դա անըմբռնելի է, անհասկանալի:

Երբ մեր առաքյալները եկան Հայաստան և քարոզեցին, բնականորեն, մենք այդ օրվանից մնացած փաստեր չունենք, որովհետև մենք գիր և գրականություն չունեինք այդ ժամանակ: Բայց նշանները: Եվ այդ քարոզությունը ոչ մի ձևով չի կարելի ուրանալ, առաքյալների կողմից եղած քարոզությունը: Դա ինքնախաբեություն է ինձ համար, գիտնականների համար, որոնք ավելի կուզեն գիտնական երևնալ, քան գիտնական ըլլալ: Ես առաջին դարերի քրիստոնեության համար պիտի ասեմ հետևյալ չորս գլխավոր երևույթները: Չպիտի մոռանաք, դա առաքելության հետ կապված երևույթ է: Առաջին՝ առաջին դարերի քրիստոնյաների խանդավից կյանք՝ Էնտուզիզմ: Նոր էին տակավին Հիսուսի հիշատակները իրենց մեջ արձագանքել, և այնպիսի ուժականությամբ նրանք քարոզում էին, որ ամեն մարդ զարմանում էր: Ի՞նչ համարձակություն: Ներքին հոգեկան եռացող վիճակ մը ունեին: Ինչպես Պողոս առաքյալն ասում է՝ հոգվով եռացեք (Հռոմ. ԺԲ 11):

Երկրորդ՝ հոգևոր նկարագիր ուներ քարոզությունը: Այսինքն, բյուրեղ է, այն կրոնական ապրումն է, որ Աստված մարդուն կկապե: Չունեին տակավին այն հետագա դարերի քարոզության նկարագիրը, որով մարդիկ քարոզում էին դիրք, աստիճան, հեղինակություն, իշխանություն, երկիր գրավելու իմաստով: ԶՔրիստոս թարգմանի՝ իմ հավատս չեմ կարող իմ մեջ պահել, հավատքս ինձ մղում է: Այդ է գիտակցությունը: Եվ լատիներեն մի առած կա, կըսե մեկ անձով քրիստոնյա ըլլալը քրիստոնյա ըլլալ չէ: Ուրիշին չես կարող քրիստոնյա սօնել, քու լինելդ ինքնաբավորեն ճիշտ չի: Այս էր նրանց հասկացողությունը:

Երրորդ՝ արյան վկայություն: 2—3-րդ դարու ափրիկյան Եկեղեցու մեծագույն դեմքերից Տերտուլիանոսը մի խոսք է ասել. արյունը քրիստոնեից սերն է քրիստոնեի՝ քրիստոնյայի արյունը սերն է քրիստոնեության տարածման համար: Արդ, քրիստոնյաները քարոզում էին իրենց քարոզության ճշմարտությունը հաղորդելու համար, մինչև իսկ իրենց կյանքը տալու գնով: Եթե դու քո գաղափարի համար զոհվել չգիտես, ես քո գաղափարը ինչու հարգեմ: Վասն ինչի՞ եկա, եթե ոչ կյանքի համար: Հետևաբար այն ուժ է, անդիմադրելի ուժ է: Ո՛չ կայսեր բանակը, ո՛չ հռոմեական լեգեոնականները կարողացան այս ուժը խորտակել: Հռոմեական Կայսրության կրկեսների մեջ, երբ քրիստոնյաներին նետում էին, երբ գալիս էին առյուծ, վագր և ուրիշ կենդանիներ, հռչոտում էին նրանց մարմինները, և ժողովուրդը նստա-

րանների վրա նստած հրճվում էր, երբ կայսրը այդ տեսարաններով ժողովրդին գոհացում էր տալիս, որ քաղաքական հարցերով չգրադվեն, այդ բոլոր երևույթների հետին մի չտեսնվող երևույթ կար: Շատ-շատերը, երբ տուն էին վերադառնում, իրենք իրենց ասում էին՝ այս ի՞նչ բան է, որ մարդ լարող է նույնիսկ գազանի բերնի մեջ հոշոտվել և այդ հաճախը չուրանալ:

Եկեղեցական հայրերից Իգնատիոս Ա.Նոթրադին, որ գրվում է Իգնատիոս Աստվածազգյաց, Աստվածն իր վրա հագած, նա ասում է, երբ ինքն էլ արտրվեց և կտարվեր կրկես, որովհետև եպիսկոպոսն էր ինքը. և շատերն ուղեցին ինք ազատել: Ոչ, ասաց, մի փորձեք զիս ազատել: Ես պետք է ցորենի նման գազանի բերնին մեջ աղորիք դառնամ, որպեսզի դուք հաց ունենաք: Ինչպես ցորենը ջրաղացին աղորիքի մեջ կաղացվի, այլուր կդառնա և այլուրից հաց կթխեն, այնպես էլ իմ մարմինը գազանի բերնին մեջ աղորիքի պես պետք է որ փշրվի, պետք է որ աղացվի, որպեսզի դուք կարենաք հոգևոր հաց ունենաք: Այս բոլորն այնքան ազդեցին, որ Հռոմի իշխանահիները կամ իշխանները, որոնք քրիստոնյա կամ քրիստոնեություն չէին, ոչ թե առաքյալների խոսած խոսքերից հետո միայն դարձան, այլ այդ քրիստոնյաների վկայությամբը, վկայություն, որ ես ուզում եմ կոչել արչան վկայություն, վկայություն ոչ խոսքով, ոչ արարքով, այլ կյանքը տալով, արշունով:

Բարեկամներ, չորրորդ դարին սկիզբը, քրիստոնեական քարոզչության, եղել է քրիստոնեական ջատագովական գրականությունը, երբ քրիստոնյա հայրերը պաշտպանում էին քրիստոնեությունը, քրիստոնեությունը ժխտող գրությունների հեղինակներից՝ կայսրերից, փիլիսոփաներից, հրեաներից և հեթանոսներից:

Հատկապես 19-րդ դարում քրիստոնեությունը տարածվեց Աֆրիկայում, Ասիայում: Այն ատեն, սակայն, երբ բոլոր քրիստոնյա եկեղեցիները տարածվեցին Հնդկաստանում, Ծայրագույն Արևելքում, Աֆրիկայում, Հարավային Ամերիկայում և ուրիշ երկրներում, այնտեղ ապրողները տեսան, որ մեկ քրիստոնյան մյուսից տարբեր բան է ասում և մեկը մյուսին հակառակ բան է ասում: Եվ եղավ մի օր, երբ հնդիկ քրիստոնյաներ, նորադարձ, հատկապես երկու եղբայրներ, քրիստոնյա դարձեր էին: Մեկ եղբայրը Դելի քաղաքն էր ապրում և եղբորը գրեց, որ մի այլ նահանգի մեջ էր ապրում, ասաց. «Եղբայր, ես գտա մի կրոնք, որ ինձ երջանկություն է տալիս, քրիստոնյա դարձա: Ուզում եմ, որ դու էլ փնտրես, գտնես այս կրոնքը»: Եղբայրն իրեն կպատասխանի. «Անհոգ կաց, եղբայր, ես էլ քրիստոնյա դարձեր եմ»:

Երբ երկու եղբայրները քով-քովի եկեր են, որ տոնեն իրենց այդ երջանկության աղբյուրին գյուտը և տեսել են, որ իրար հետ եղբայր չեն այլևս, որովհետև մեկը կաթոլիկ էր, մյուսը՝ բողոքական: Եվ նրանք միասնաբար մի նամակ գրեցին: 1910 թվին Էդինբուրգ քաղաքին մեջ միջազգային մի ժողով եղավ միսիոներական կազմակերպությունների: Այնտեղ ասա՛հին՝ մենք ինչի՞ համար գնացինք Հնդկաստան, Աֆրիկա, ուրիշ երկրներ: Անջատվածների միացնելու և եղբայրացնելու՞, թե եղբայրների բաժանելու և պառակտելու: Մենք ի՞նչ ենք անում: Մենք Աստծուն ենք դավանանում, որովհետև մենք զմեզ ենք առաքյալներ կարծում և ոչ թե Աստուծո առաքյալները: Դա էր, որ խիղճը ցնցեց ամբողջ քրիստոնյա եկեղեցիներին և այդ թվականը, 1910-ը դարձան եղավ և կազմվեց «Միջազգային առաքելության խորհուրդ» կազմակերպությունը, որ ջանաց համադրել այս բոլորը: Ինձ համար երջանկագույն պահերից մեկն էր իմ կյանքի, երբ 1961 թվին Դելի քաղաքն էի և Համաշխարհային եկեղեցիների Խորհրդի երկ-

րորդ տիեզերական ժողովն էր գումարվում ու երեք հազարից ավելի քրիստոնյաներ ներկա էին այնտեղ, Եկեղեցիների Համաշխարհային Խորհուրդը և Միսիոնարությունների Համաշխարհային Խորհուրդը իրար միացան, իրար մերվեցին և Միջազգային Միսիոներական ասոցիացիան՝ միջազգային միսիոներական կազմակերպությունը դարձավ Եկեղեցիների Համաշխարհային Խորհրդի մեկ բաժանմունք։ Այլևս առաքելությունը չնկատվեց այսինչ մարդին, այսինչ կազմակերպության գործ, Եկեղեցու գործ։ Միսիոնը վերստին Եկեղեցու էության և Եկեղեցու կատարած գործի սրտի մեջ տեղավորվեց, որովհետև 19-րդ դարին ինչ պատահել էր՝ մարդիկ եկեր էին, ընկերություններ կազմեր էին, դրամ հավաքեր էին և մեյշընըրի սոսալըթիզ կասեն, միսիոներական ընկերակցություններ, միսիոներու հատուկ խորհուրդներ կազմեր էին, և իրենք էին առաքում միսիոներներին, իրենք էին տալիս դրամ։ Եկեղեցու հետ կապ չունեին։ Ուրեմն միսիոնը անջատվեց Եկեղեցու առաքելությունից և դա է, որ միսիոնը վերածեց կտոր-կտոր գործերի և Եկեղեցու հոգուց դուրս բերեց այդ ամբողջ գործունեությունը և ահավասիկ 1961 թվին էր, որ այդ միացումը եղավ և նոր ճանապարհ բացվեց Եկեղեցիների և առաքելությունների համար։

Այսօր Եկեղեցին գտնվում է լուրջ հարցի առաջ։

Ի՞նչ է առաքելությունը։ Եվ այսօր վերադառնում ենք 19-րդ դարի այդ պատկերավոր վիճակով առաքելությանը։ Եվ այսօր նոր անուններն են, այն աղանդավորների անունները, որոնց մասին խոսվում է, որովհետև նրանք իրենք իրենց Եկեղեցի չեն զգում։ Նրանք Եկեղեցու հետ կապ չունեն։ Նրանք անհատներ են, որոնք ինչ-ինչ նկատումներով, ոմանք թերևս որոշ անկեղծությամբ Սուրբ Գիրքը կարդալով իրենց մտքի մեջ տեղավորում են մի գաղափար և այդ գաղափարն ուզում են տարածել և դրանով Եկեղեցի հիմնել։ Դրա իրավունքը չունեն։ Ուրիշներ ուրիշ պատճառով են անում։ Բայց այսօր իմ կարևորագույն պատգամներից մեկը ձեզ հետևյալն է՝ այլևս շատ մի խոսք աղանդավորների մասին, մենք է, որ նրանց պրոպագանդն ենք անում մեր եկեղեցիների բեմերից, մեր կրոնական թերթերից։ Կարծեք թե ամբողջ Հայաստանը ողողվել է մի քանի, թերևս տասնյակ հազար հաշվով անձերից։

Ի՞նչ է միսիոն և երկու տեսակ միսիոն կա՝ առաքելություն, ա) ներքին առաքելություն և բ) արտաքին առաքելություն։ Բայց սրանք իրարից բաժանված չեն։ Օրինակի համար, այսօր մեր արածն առաքելություն է։ Մեր Եկեղեցու ներքին գորացման համար է, մեր քրիստոնեական հավատքի ջրհեղման, ոռոգման, գորացման համար է։ Եվ սա այնքան առաքելություն է, որքան ուրիշին երթալ, ոչ քրիստոնյային քրիստոնեություն քարոզել։ Եվրոպայում, Ամերիկայում, Արևմտյան աշխարհում, կամ ուրիշ տեղերում և նաև վստահ եմ, որ այստեղ՝ Հայաստանում ո՛վ ասեց, որ մենք բոլորս էլ քրիստոնեաբար ապրում ենք։ Ո՛վ ասեց, որ Ավետարանի ճշմարտությունը մենք գործադրում ենք։ Մենք մեր հավատացյալներին պետք է վերստին քրիստոնեությունը կյանքի բերենք, ուժականության վերածենք, համոզումի վերածենք, կյանքի ապրելակերպի վերածենք այս առաքելությունը։ Առաքելություն չի նշանակեր միայն ուրիշին, ոչ քրիստոնյային ձևականորեն, անունով, մկրտությամբ քրիստոնյա դարձնել կյանքում։

Երկու բառեր կան, որոնք շատ են գործածվում հիմա Եվրոպայի մեջ, կամ արտաքին աշխարհում՝ դիքրիսչընայզելշըն և հիմա դիքրիսչընայզելշըն։ Քրիստոնյա Արևմուտքի մեջ հերթանություն կա կյանքի եղանակին հետ։ Բարո-

յականությունը քայքայվում է: Ո՞վ ասեց, որ քրիստոնյա անունը կրողն անպայման քրիստոնեաբար է ապրում: Եթե երբեք ապաքրիստոնեացյալ ընկերություն կա, վերաքրիստոնեացյալ ընկերություն ստեղծելը առաքելություն է: Դրա համար, օրինակ, ես երբ ուսանող էի Անգլիայում, Անգլիո Եկեղեցու պետը գալիս էր, մի շաբաթ ամբողջ համալսարանում միջշուն ուիք (առաքելության շաբաթ) էր հռչակում և ամեն օր քարոզություններ էր տալիս: Բոլորն էլ քրիստոնյա էին: Բոլորն էլ անգլիացի էին, բայց պետք ունեին խորանալու, բյուրեղանալու, հզորանալու իրենց հավատքի և կենցաղի մեջ:

Մի օր Անգլիայում հանդիպեցի մի ռուս եպիսկոպոսի, դասախոսություն էր տալիս, ասեց՝ հեթանոսությունն է ոչ թե միայն իր հին իմաստով, այսինքն ոչ քրիստոնյա ազգերին հեթանոս ենք ասում, այլ նաև այսօր նոր իմաստով հեթանոսաբար ենք ապրում: Մենք մեզ պետք է փրկենք՝ ուրիշի մասին մտածելե առաջ: Եթե մենք ապրենք իբրև քրիստոնյա, դիմացինը արդեն տեսնելով, մեզ հետ կամաց-կամաց կբյուրեղանա և քրիստոնեաբար կպատրաստվի:

Բարեկամներ, մենք ներկայումս մեր Հայաստան աշխարհի մեջ այլևս դադարենք միայն մեր անցյալի, մեր հայրերի կատարած գործերը գովաբանելու, նրանց մեծացման, նրանց փառավորման, նրանցով մխիթարվելու հոգեբանությունից: Ես տեսնում եմ, ամեն տեղ, ուր գնում եմ, թե մեր հայրերի թողած հետքերը մեզ համար ներշնչման աղբյուր են: Այո: Բայց ներշնչում ի՞նչ կնշանակե: Շնչարգելություն, թե նաև արտաշնչողություն: Կներշնչվես, շունչը մեջդ պահելու համար՝, ինքզինքդ խեղդելո՞ւ համար՝ հպարտության զգացումներով, թե արտաշնչելու, այդ շունչը տալու նոր սերունդին, մեր նոր կյանքին, նոր հայրենիքին, նոր Հայաստանին: Եթե այս չլինի, ի՞նչ է մեր Եկեղեցու առաքելությունը, ասեք: Ի՞նչ է Մայր Աթոռ Սուրբ Էջմիածնի առաքելությունը, ասեք ինձ: Որ մի եվրոպացին, կամ ամերիկացին, կամ չինացին գա և տեսնի այս գեղեցիկ նկարները և ասի, որ հայերը այսպես եղե՞ր են, թե՛ լսե մեր շարականները, տեսնի մեր ժողովրդի կյանքը քրիստոնեական և հպարտանա ոչ թե մեր հայրերի մեզի թողածովը, այլ մեր հարգանքովը, մեր արածի միջից մեր հայրերին և մեր պարտականությամբը մեր գալիք սերունդին: Այստեղ է մեր գործը: Եվ այլևս մնացյալն ամբողջ դատարկ խոսքեր են:

«Զի Աստուած այնքան սիրեաց զաշխարհ, մինչեւ որ զՈրդին իւր Միածին ետ, զի նա, որ հաւատայ ի նայ, ընկալցի զկեանս յաիտենականս» (Աստված այնչափ սիրեց աշխարհը, որ մինչև անգամ Իր Որդին տվեց, որպեսզի նա, ով այդ Որդուն հավատա, հավիտենական կյանք ունենա): Մեր հայրերն ունեցան այդ հավիտենական կյանքը, ու այդ հավիտենական կյանքի ճանապարհորդության մեջն ենք այսօր մենք՝ ներկա ճանապարհորդներս: Ծանապարհն անցյալ չէ միայն: Ծանապարհը նաև հառաջգնացություն է դեպի ապագան:

Այստեղ իմ խոսքն ավարտում եմ այն խոսքով, որ Հիսուս մի օր ասեց Իր առաքյալներին, որ եթե այդ մանուկները և այդ ժողովուրդը լռեն, քարերը պիտի աղաղակեն (Ղուկ. ԺԹ 40): Ո՞վ Տեր, այս համագումարին առիթով, այս Քո նվիրյալ ուսուցիչներին ու ուսուցչուհիներին իմ խոսքն ուղղելուց հետո, վերջին խոսքս Քեզ եմ առաքում: Թույլ տուր ինձ, Տեր Աստված, որ փոխեմ բառերն Ավետարանի, ներիր ինձ, եթե այդ փոփոխությունը կատարեմ և ասեմ, Ո՞վ Տեր, տուր որ քարերը լռեն այլևս և մարդիկ աղաղակեն Հայաստանի մեջ: Եվ ոչ թե միայն մարդիկը աղաղակեն, այլ քարերի արձա-

գանքը նրանց մեջ վերակենդանանա, և մենք դառնանք ոչ թե հին Եկեղեցի, այլ միշտ նորոգյալ հոգիով այն Եկեղեցին, որ ոչ հին ունի և ոչ նոր, որովհետև հավիտենական է և այդ հավիտենականության միախառնումը մեր քսաներորդ դարու վերջին այս տարիների և այդ հավիտենականության միաշաղախումը բացվելիք երրորդ հազարամյակին թող լինի Քո ընծան մեր Յողովրդին և թող լինի խունկը հայության Քո այդ մեծ ընծային: Ամեն:

Հավարտ Նորին Սրբության պատգամ-դասախոսության, հնչում է «Եկեղեցին Հայկական» երգը:

Հանդիսությունն ավարտվում է «Պահպանիչ»-ով: Այնուհետև Վեհաբանի հյուրասարահներում տրվում է սիրո ճաշ:

Հայաստան աշխարհի տարբեր քաղաքներից ի մի եկած ուսուցիչ-ուսուցչուհիները հրաժեշտ են տալիս Ամենայն Հայոց Հայրապետին և եկեղեցու մյուս նվիրյալներին:

Օրն իր խորհրդով ավարտվում է: Սակայն ավարտվում է միայն ժամանակի տվյալ պահի պարագրելիության առումով: Իսկ ներկաների հոգիներում այն դեռ երկար, շատ երկար է շարունակվելու: Բարին ընդ ձեզ, ուսուցիչներ՝, թող ձեր անցնելիք ուղին լուսավորվի Տիրոջ պատգամներով, որպեսզի կարողանաք այդ լույս խոսքերն ու անսքող ճշմարտությունները նույն սիրով ու նվիրումով ջամբել ձեր սաներին, ինչպես մեր Տերն Իր Առաքյալներին և նրանց միջոցով նաև մեզ՝ Հայաստանյայց Առաքելական Սուրբ Եկեղեցու հավատավոր զավակներին... Ամեն:

Մ. ՎԱՐԴԱՆՅԱՆ

